



Broj predmeta: 48-000885/17
Broj akta: 07-1154SO-001/17
Datum, 29.8.2017. godine
Mjesto, Brčko

Na osnovu Odluke Vlade Brčko distrikta BiH o visini i broju stipendija koje se dodjeljuju redovnim studentima za period od 1. 1. 2017. do 31. 12. 2017. godine, broj: 02-000184/17 od 23. 8. 2017. godine, Odjeljenje za obrazovanje r a s p i s u j e

JAVNI POZIV
za dodjelu stipendija redovnim studentima za period od 1.1.2017. do 31.12.2017. godine

I.

- (1) Raspisuje se javni poziv za dodjelu 160 stipendija redovnim studentima I ciklusa studija sa područja Brčko distrikta BiH za period od 1.1.2017. do 31.12.2017. godine i to:
- 3 stipendije studentima I godine studija koji su proglašeni učenicima generacije u školskoj 2015/2016. godini;
 - 15 stipendija studentima I godine studija koji su za vrijeme četvorogodišnjeg srednjeg obrazovanja imali prosjek ocjena 5,00, a srednju školu su završili u školskoj 2015/2016. godini;
 - 1 stipendija studentu sa posebnim potrebama I i starijih godina studija;
 - 1 stipendija studentu pripadniku nacionalne manjine I i starijih godina studija;
 - 140 stipendija studentima II i starijih godina studija.

II.

- (1) Visina stipendije iznosi 200,00 KM mjesečno.
- (2) Stipendije se dodjeljuju u 10 jednakih rata počev od 1.1.2017. do 31.12.2017. godine.
- (3) Stipendije se ne dodjeljuju u mjesecu julu i avgustu.

III.

- (1) Opšti uslovi koje kandidat za dodjelu stipendija treba da ispunjava su sljedeći:
- a) da je student državljanin BiH;
 - b) da student ima prebivalište u Brčko distriktu BiH najmanje 5 godina prije raspisivanja javnog poziva za dodjelu stipendija;
 - c) da je redovan student;
 - d) da ne prima stipendiju ili kredit od neke druge institucije;
 - e) da u momentu podnošenja prijave za dodjelu stipendije ne ponavlja godinu studija;
 - f) da prijavljeni kandidat nije stariji od 27 godina.

IV.

- (1) Uz prijavu za ostvarivanje prava na stipendiju student treba da priloži i sljedeće dokumente:
- a) potvrdu o upisu godine studija kao redovan student (prvi puta);
 - b) potvrdu od nadležnog organa o mjestu prebivališta studenta u Brčko distriktu BiH najmanje 5 godina (Odjeljenje za obrazovanje pribavlja po službenoj dužnosti);
 - c) potvrdu fakulteta o položenim ispitima sa prosječnom ocjenom;
 - d) ovjerenu kućnu listu (obavezno navesti JMB za svakog navedenog člana);
 - e) dokaze o statusu svakog navedenog člana u kućnoj listi;
 - f) potvrdu poslodavca o prosjeku plate zaposlenih članova domaćinstva u posljednja tri mjeseca, kao i potvrdu o prosjeku primanja za svakog člana domaćinstva, po bilo kom osnovu, izdatu od nadležnog organa ili institucije gdje se primanja ostvaruju;
 - g) potvrdu Zavoda za zapošljavanje za nezaposlene članove domaćinstva;
 - h) potvrdu nadležnog udruženja nestalih i poginulih boraca ili potvrdu da se radi o djeci civilnih žrtava rata i ratnih vojnih invalida;
 - i) potvrdu nadležnog organa o invalidnosti roditelja ili staratelja;
 - j) izvod iz matične knjige umrlih za roditelja;
 - k) izvod iz matične knjige rođenih za studenta (gdje je mjesno nadležan Brčko distrikt BiH Odjeljenje za obrazovanje izvode pribavlja po službenoj dužnosti);
 - l) ovjerenu izjavu da student ne prima stipendiju ili kredit od neke druge institucije;
 - m) potvrdu da se studij finansira iz budžetskih sredstava;
 - n) potvrdu da student plaća studij na univerzitetu ili fakultetu koji finansira država, entitet ili kanton;
 - o) dokaz da je student sa posebnim potrebama (rješenje o kategorizaciji);
 - p) dokaz da je student pripadnik nacionalne manjine.
- (2) Studenti prve godine studija, a koji su bili proglašeni učenicima generacije, pored dokumenata iz stava (1) pod tačkama a), b), k), m) ili n) ovog člana, dostavljaju i dokaz o proglašenju učenikom generacije u nekoj od srednjih škola Brčko distrikta BiH za školsku 2015/2016. godinu.
- (3) Studenti prve godine studija, a koji su imali prosjek ocjena 5,00 za vrijeme četvorogodišnjeg srednjeg obrazovanja u nekoj od srednjih škola u Brčko distriktu BiH, pored dokumenata iz stava (1) pod tačkama a), b), k), m) ili n) ovog člana, dostavljaju i dokaz da su imali prosjek ocjena 5,00 za vrijeme četvorogodišnjeg srednjeg obrazovanja u školskoj 2015/2016. godini.

V.

Javni poziv je otvoren od dana objavljivanja na web stranici Vlade Brčko distrikta BiH i traje do 14. 9. 2017. godine do 15:00 sati.

Uz prijavu na javni poziv potrebno je dostaviti i sve potrebne dokumente. Dokumentacija se predaje tako da se, uz prijavu, sva tražena dokumentacija predaje u zatvorenoj koverti.

Obrazac prijave na javni poziv može se podići na infopultu u zgradi Vlade Brčko distrikta BiH ili na web stranici Vlade Brčko distrikta BiH **www.bdcentral.net**.

Neblagovremeno prispjele prijave neće se razmatrati.

Prijave sa priloženim dokumentima donijeti lično u zgradu Vlade Brčko distrikta BiH, **šalter broj 6 i 7** ili slati poštom na adresu:

**Vlada Brčko distrikta BiH
Odjeljenje za obrazovanje
Bulevar mira 1**

Informacije u vezi sa javnim pozivom mogu se dobiti u **Odjeljenju za obrazovanje** ili na broj telefona **049/240-609**.

**Šef Odjeljenja za obrazovanje
Senad Osmanović, prof.**